



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 六三五

鐵琴全集二十八卷（詩鈔二十五卷文鈔一卷詞鈔一卷聯鈔一卷） 黎學淵撰

一

志隱齋詩鈔八卷 王文璋撰

一四五

半巖廬遺文二卷半巖廬遺詩二卷附錄一卷 邵懿辰撰

二四一

未灰齋詩鈔一卷 徐 鼐撰

三四九

未灰齋文集八卷未灰齋文外集一卷 徐 鼐撰

三六三

咄咄吟二卷 貝青喬撰

四六三

半行庵詩存彙八卷 貝青喬撰

五〇九

楓南山館遺集七卷末一卷 莊受祺撰

六〇七

春星草堂集七卷（文二卷詩五卷） 沈丙瑩撰

六六三

咸豐庚申孟夏

鐵琴詩鈔

陶垚坡題籤

叙詩以爲道原本乎性情根
柢乎典藉植品高者其聲
諧以則植學富者其詞雅
以馴吾讀鐵琴集詩所重
有念於靜菴之爲人也靜

菴以貴公子名孝廉官清
禁三黜於禮闈自以不諧
於流俗不合乎時宜遂絕
意仕進曰吾閑居自有樂
地不必以爵位爲榮也乃
歸隱於淮西之寶城守先

人之舊廬服先疇之畝
以讀以耕以游以釣自足
而無求性岬異恒杜門謝
客人罕得見之資稟穎悟
讀書則過目不忘所仕詩
歌模調曲自成鉅集怡然

二

自樂未嘗出以示人也余
初守汝郡即聞其名以相
去遙遠不得造訪偶按部
至實城名刺一通而己余
亦以公事匆遽不獲款洽
豈其意以余為風塵俗吏

中人不足與言者歟咸豐
三年粵賊再竄楚境余奉
檄防守關隘寓居實城署
中親往謁之不值使人道
達誠意始得接晤時鄭松
峰攝篆是邑因延至衙署

三

三人相與促膝暢談竟成
真逆談經史談詩文談時
事娓娓不倦為忘形之交
如飲醇醴甘於口而不可
以言語形容也如膠投漆
中而不可一日別離也署

二

中植白杜鵑等一盆相與
顯詠之再擬白桃等白杜
丹白芍藥白蓮等諸顯約
同人共仕遂於城西僧舍
結白等詩社以時觴詠其
間再過其地壇坵具在靜

四

養己赴修文之古不勝人
琴之感矣今松峰觀察豫
南余與約捐賞梓其遺集
以傳於世庶不泯其一生
之心力又靜菴所填詞鎔
出於編年詩集中與體例

不合另編為詩餘一集付
於詩集之後靜菴有知或
不以余為僭妄也乎是為
序咸豐十年歲次庚申榴月
姻愚弟廉生拜書

子

序

黎靜庵中翰羅山詩人也平生才極大詩極工而所作又極富予既序其先大夫襄勤公詩茲又復敘靜菴乃慨然歎

一

靜庵之才靜菴之詩不足以盡之也方其隨侍襄勤公官遊江淮間歷覽吳越山川資其憑弔又多大人之迹足以激發其志氣既而視草西垣竄中

祕書典章識政存之機務徒以少年貴公子資敘未深年所於試之於詩當是時在朝群公樂與諸文士鼓吹休閑靜庵詩一出才子之名喧然傳都下

二

矣奈何以事去官鬱居鄉里視一切名足當意又值邊疆多故時事孔棘未免此天運懷世途追先德而歎歎擇遭逢而長嘯乃益以詩自放

嚮使靜菴奮發於功名之路
占得時行志者第一日之設
施諒不_レ正沈溺於榮利而銷
挫其鋒銳乃性情既不相近
時數又從而阻_レ主使僅以詩人

三

自見吾故曰靜庵之才靜菴
之詩不_レ足以盡之也然世之營利
祿而逐權勢者不_レ正乾沒終
不自悔以視夫靜庵所就其賢
果_レ仍如耶人見靜菴之睥睨

流輩而時或酬接漁樵輒目以
為狂靜庵乃性_レ自詭為仙焉
知夫仙也狂也其託焉者也微
獨仙与狂之為託即詩之為託
亦託焉者也蓋人情所不容已

四

者聖人弗禁小雅之怨離騷
之憂東方大夫之誕嵇中散之
傲亦示人有所託云爾而如曰
何不託於不仙託於不狂并託
於無詩而仙而狂而詩是託

也嘆乎此不惟足以寄靜菴
之情恐世間懷才之士皆有
不能嘿以終古者矣而靜菴
由是以詩傳今取其詩讀之
約問津於漁洋歸愚以求

云

夫唐宋之分固遍溯元明以
來作者流派然後參以長慶
西崑而歸宿焉詩不足以盡其
才而卒能用其才以盡於詩使
詩人之中得有羅山樂靜庵

六天之善於成靜菴也今日老
墓門宿草已紫春煙嗜其果
仙也已試登高遠望西南雲山
數峯雲氣蔚然其靜庵生
前題詩處也耶

六

咸豐庚申榴月愚弟鄭元

善拜書

題辭

天涯相別未相忘投刺人來喜欲狂怪底鐘花留昨夜

疑杯酒認他鄉胸中俗網消無滓舌底詞鋒作有芒猶是

長安滋味在四更風露不知涼丙申金提邊關引見錄

狂歌縱論每夜漏四五下猶未眠楚曹寓居傳齋五嶠月同

蹤跡蓬萍別緒多相逢知己各蹉跎千秋事業難如此一

第功名誤幾何閱盡人情雲作態重來宦海鏡無波東風

自有扶搖力何必吹噓費揣摩君入值內閣八年於茲

海內驛垣久豎旗頻年不獨擅工詩人驚活脫金荃集天

題辭

與生成玉塵詞十載江湖容嘯傲六時花月感分離此行

袖向蘇臺去定惹旂亭唱柳枝君五七律詩一時無兩出

君均登作

采玉黃滔共赫連清才總是小神仙升沉已有滄桑劫謂黃

竹橋綠事熱草蓀蓀君任

石版子未半村新舉京兆試談笑空孤避近緣締地無方

猶索夢問君何苦竟逃禪君與內閣俱

此後涓埃答 帝天

源泉萬斛涓毫端沈盡泥沙氣自先省識導河家法在好

江都定夫孫宗禮

爲藝苑障狂瀾

薇垣倬直輔 皇猷典冊高文筆力道弄月吟風餘興寄

豪情俱向雙詞流

竹坪趙克宣

古絃誰聽鐵琴來祇恐聲希俗耳猜情似水紋無可斷巧

如雲錦不須裁但窺學創知其蘊敢信薇垣老此才嗤我

秋蟲原細響縱教維罔不成雷

古眉張應雲

寒牕夜雨檢詩筒展卷高吟燭影中強弩硬開千石力輕

題辭

帆飽掛一江風金緣成器難車煉玉本無瑕未易攻料理

名山身後業人間得失任雞羣

狂歌擊筑酒同斟如此奇人未易尋詩寓岐黃推國手才

高元白雜仙心胸中久矣空天地眼底何曾有古今一部

宮商稱絕調九天鸞鶴響清音

文字交情關性命未曾謀面已傾心新詞一曲酬金縷余

和金縷曲一古調千秋重鐵琴高卧烟霞誰是伴偶談風

月我知音謫仙狂放嵇生癩鎮日科頭抱膝吟

寶應東初汪嗽

曠代詩人曠代愁年年風雨茂陵秋是真才子能清眼終
竟神仙到白頭萬選難刪烟海集三徵只拜酒泉侯紫微
畫省猶嫌俗要與劉安出世遊

補茵秦荷章

未謀君面見君詩瀟洒洵推絕世姿兩地雲山情不隔一
窗風雨夢相隨人愁老手扶輪早我索枯腸得句遲莫道
鍼砭此無分鶯聲清曉喚龍池

小村陳鍾澹

軒昂氣宇少塵囂每泛詩瓢挂酒瓢麗句多於巴蜀錦清
題辭

三

思湧似廣陵潮我雖管見欣窺豹君本天才教續貂借問
金丹能換骨凡軀應得幾分消

花間爭唱狀元來早識文名一代推月窟天根承世學尊人襲勤公著有

河上易註壽世吳山楚水鮑詩材兄弟游吳聲華久已榮

徽省唱和尤堪效柏臺風雨聯床期後約刻將短燭好銜

杯

愚弟湘浦陳夢蘭

桑花聲裡快相逢儒雅堪爲一代宗鎮日風流惟擁麈千
霄氣概總猶龍詞源早澈鄉媛集詩筆能尋漢魏蹤愧我

瓣香同與藝余與君同出先師水臥無計浣塵封

門愚弟問泉張紹渠

平生交游輕千里咫尺不識靜菴子晚香館廖鹿儕夫妻子齋名

見君詞歎息清才乃有此讀君詞識君心鹿儕夫子老

歸林慕君爲人常思君訪君曾過淮之陰時駕扁舟去茫

然不可尋我從廖夫子偶過鄆城中雲臺時作宰賓從皆

英雄一客衣冠何粗醜矯如孤鶴凌秋空鹿儕夫子指謂

我此乃靜菴先生小黎公官閣沈沈華燈紅三年相思今

相逢獻酬忘賓主談笑生雲風人言靜菴疎狂不可近不

題辭

四

知青眼一見何以獨憐儂錦筵初終鼓三下邀我遂過靜

菴舍烟波自號老漁徒門巷誰知舊王謝石臣兄弟清如

玉柔貞靜菴侍姬十五雙鬢綠呼兒携葉葉集名交京鯉夜闌

置酒重剪燭我昔見君詞今得讀君詩明珠雜紫貝光怪

何陸離先生停杯重握手萬民曾識靜菴否憶從少保襄勤

公事先皇鳳池染翰承恩厚是時萬國皆來同武

帝惟憂宣防宮先臣治河十餘載朝宗日見百川東安

瀾奏到天顏喜賜書賜玉頻褒美一朝風木小臣孤

先帝臨軒歎不已鼎湖龍去風雲香小臣亦向烟霞老

滿地江湖一葉舟夢中猶問龍樓曉自從紅巾起南粵淮
南那有堅城關狼藉猶存 秘閣書飄零遂失文貞笏安
得親提十萬師殺賊直窮天一涯敢復神州歸 聖主五
湖歸去追鵬夷萬事不得意聊復同兒嬉華釣亦偶爾遂
使時人疑先生詞賦真游戲先生別有填膺事年來僕亦
恨無端相對潸然各損涕勸君且盡樽中酒落落青空幾
星斗分我瀟湘竹一竿明朝同釣南湖口

正陽葛民葉會增

少微南望一星沉忽報郵城有訃音多病料應餘鶴骨題

題辭

五

詩仍是雜仙心新詞無復填金縷古調誰能繼鐵琴握別
弋陽成永訣空勞魂夢費追尋

不堪老淚故人傾舊雨飄零百感生愛我詩篇皆什戔折

君福澤是聰明滄江釣石猶留跡白社吟壇忍載廢世德

自應綿後起子孫頭角盡崢嶸

姻愚弟鹿儕廖姓

少年染翰侍宸游老去無家託釣舟醉把一竿歸野渡

夢題萬騎復神州渡河宗澤聲猶在憂國哀安淚已流

記得水天談往事蘆花明月亂山秋

文章太守葛民師高誼憐才老不辭袖裏舊摺珠海句
夫子去歲梓佛山唐 囊中新出鐵琴詩雪泥鴻爪人如在
煦亭詩亦堵檢校

燈影難聲枝敢遲世有知音應共賞飛卿格律耆卿詞

病耽禪悅不爲官偶譜新詞亦可憐鐵板大江蘇學士紅

牙殘月柳屯田獨留一語無窮淚文字三庄未了緣

他語惟以逆匪未身後茫茫誰肯定挑燈爲理悼琴篇

蕭蕭風雨夜窗幽琴鐵錚然響未休歎我夙緣惟一面喜

君遺草足千秋災梨永付佳兒守

留照定新詞三十卷自憐文字倩誰警

是時

本

去歲論文把酒日今年剪紙禮魂時側身四海誰知已轉

瞬千秋此別離詞賦光輝君不死雲山寥落我何之昨宵

猶夢同攜手渺渺長淮不盡思

正陽葛民葉會增再題

天教身後壽詩名恰借軍威作玉成風捲落花金鼓息雲

開文梓鐵琴鳴六丁潛禦紅羊劫

城郭松峰廖雲臺雨翹察以二子齊傳白鳳聲

軍來援解嚴後刻工始就

先生會兩至 均未相值

慎陽章民吳清俊

不朽原推著作才一時生面獨能開
捧腸自覺羣流合繞指都經百鍊來
探海珠偏隨意獲補天石竟出心裁何堪
古調從茲杳把卷臨風枉溯洄
風騷響斷是何年特起斯文邁昔賢
論古早知胸有鏡摩空纔信筆如椽
隨拈妙諦皆超俗偶出奇思恍雜仙此集
我當書萬本一生謹佩作韋絃

門愚弟問泉張紹渠

川嶽振古鍾靈異如君快觀瓊璫器平生著作炳日星
題辭

七

天才獨擅堪拔萃文章功業舊家聲
恩蔭由來重賞城一旦解組賦歸後志在養親薄宦情因遊吳越身歷遍
麗水佳山幾忘倦摘藻揮毫抒胸懷燦若朝霞光如電上規李杜世無雙
浩浩潘安與陸江嶺祭雖工嘔餘子千軍橫掃鼎能扛詩豪詩史傾心久絕代
宏才已八斗勢擬長城雄且深巨筆真是雕龍手讀之端不厭百回風雅遺響此兼
該一字一珠盡入妙名流多少仰鴻裁時逢知己推燕許紙貴洛陽錦囊貯兩賢
太守敦交遊分俸刊刻成美舉嗣英克紹玉笋聯細帙生輝映簡編鐵琴徽音應俱
遠永垂

不朽萬古傳

愚表弟稼軒劉炳勳

響繼世胃峻門墻梓里爭傳姓字香
襄勤公逸事里儒傳爲美談鯉對

超庭承舊業公早歲能詩實承家學駒騰就道迪前光
公詰問能繼書香將公手梓

浮沉宦海心先淡詩酒生涯夢不忘
公引疾家居著作甚富揮

塵清談風獨古嶙峋骨格傲羲皇

脫却紅塵眼界寬移居別墅便遊觀
先生別墅在南城外聯吟景好

催詩寫會借廖大尊鄭觀察遊靈山隨景賦詩垂釣恭應作畫看
恒以垂釣自娛

抱冰心符止水時揮彩筆挽狂瀾詞壇卓立人爭羨
料得

題辭

八

羣空繼武難

愚弟星槎袁登瀛

萬卷胸藏費揣摩芸窗日日喜高歌
黃梁悟淥榮華謝紅

豆拈來覓麗多光燄千秋爭日月波流萬古湧江河
鐵琴

不作人間響一派仙音到大羅

廿年吟詠寄閒身才調如君莫與倫
倚馬萬言非侈富

雕龍一字總求真自然風格超凡輩
不肯雷同讓古人八

載唱酬聯舊雨一回追感一傷神

愚弟文圖龍玉書

靜夜挑燈展鉅篇于今又見李青蓮天仙才思真無敵謫
墜人間五十年

春風秋雨總難聊且放長歌破寂寥無限深情無限恨一

回讀龍一魂銷

西窗剪燭記談詩謝草吳楓盡妙思契結三生緣不淺敢

忘花臺賦聯枝

兄贈余古風有君
家花臺聯枝四句

通樹深心付鐵琴高山流水少知音一聲彈罷秋天碧冷

露沾衣月色沈

通家教弟壽山尚慶嵩

題辭

九

鳳池小住卽抽簪聞向芸窗寄嘯吟滿綴珠璣才子筆後

凋松柏古人心觀魚眼界俱洗揮塵襟懷樂自尋真箇

江山風月主一囊詩外一瑤琴

大雅扶輪響未沉如君才思合同欽詞鋒儘許排山岳

腹笥由來澈古今一代文章成絕調千秋事業付知音玉

堂集本金龜吐會有鴛鴦普度針

棟隣李穠華

薄却功名斷俗緣抽簪小隱當游仙蕭閒身世誰知已豁

達襟期別有天弱管啣杯邀月飲焚香掃地擁書牕孤高

難與時宜合結契還徵太守賢

珠成咳唾滿吟筒字裡行間景不窮雪亮胸中多畫意風

生腕底有天工游龍筆把千軍掃倚馬才真一世雄自是

騷壇推老將合將詩品入司空

愚姪鏡心袁立鑑

太白生花筆人間有幾枝標題珠錯落揮灑墨淋漓不染

塵氛氣尤工絕妙詞夜窓吟萬遍古藻燦紛披

陶望燮

一部宮商迭唱酬獨留絕調響千秋此才應嘆人間少除

題辭

十

向蓬山海島求

奇才卓識兩兼全樹幟騷壇數千年隻手能開新面目一

生不讓古人先

愚弟文舫龍洛書

淮汝棲遲二十年久欽林下有高賢同邀太守稱君子

三君子詩爲靜翁
松翁及坦而作未接先生話夙緣聲塵爭誇金縷曲心

傾快睹錢琴篇西江宗派君能續一卷瀛奎海內傳

風流偶儻擅英姿不減當時杜牧之獨霸詞壇雄跌宕自

成詩律任驅馳廣陵調絕絃猶在大雅輪扶響未衰寄語

清代詩文集彙編

九原休悵悵賞音今已有鍾期

謂鹿翁松翁爲刊遺集也

愚弟弄坡陶大垣

題辭

士

鐵琴全集目錄

卷之一

發軔集

卷之二

贊楚集

卷之三

簪筆集

卷之四

荆捲集

鐵琴全集

目錄

卷之五

饑驅集

卷之六

還山集

卷之七

味道集

卷之八

壓線集

卷之九

藥裏集

卷之十

抒懷集

卷十一

感舊集

卷十二

今雨集

卷十三

離羣集

鐵琴全集

卷十四

安心集

卷十五

悼琴集

卷十六

避寇集

卷十七

感遇集

卷十八

目錄

二

風鶴集

卷十九

俚藪集

卷二十

白社集

卷二十一

書憤集

卷二十二

同襟集

鐵琴全集

卷二十三

苦旱集

卷二十四

移居集

卷二十五

撤瑟集

卷二十六

文

卷二十七

目錄

三

詞

卷二十八

聯

鐵琴全集

目錄

四

鐵琴書室詩鈔卷一

古謝黎學淵仲潛甫著

發軔集

余生四齡卽隨先公開府南河通時自知平仄對仗好讀唐詩每以語言就聲律六歲上學蒙師爲對詩瘦先生喜吟詠聞余有詩性當晚命題作五絕詩成師及先公喜甚此後每日必作不無滑稽十歲後詩漸通暢甲申年十六遺先公喪丙戌服闋入部並前少作共得詩若干首名曰發軔集

片月 六歲上學日作

片月中出形如一鏡圓光明流四海欲照九重天

炭火盆次日作步前韻

冬牕新火暖盆似鑑光圓若遣簾風動紅霞散滿天

甫成兩句

鐵琴書室詩鈔卷一

卷一

忍風掀開簾炭爆滿屋因得下聯

龍生日

龍飛天外迺五月十三生萬物沾恩澤羣仙祝壽庚身同

山岳永歲似海波盈種竹逢今日延年杖可成

七夕

良辰當七夕佳會在銀河乞巧陳瓜果穿針拂綺羅

以上六歲

至八歲作詩不足存存之以見本源以下皆十歲以後作矣自記

新秋夜坐

寒蟬初歇暮烟收露坐桃笙看女牛新鴈乍聞清夜嘆殘